


Jilid II
Bil. 72



Hari Rabu
26hb Januari, 1977

PENYATA RASMI PARLIMEN

PARLIAMENTARY DEBATES

DEWAN RAKYAT

HOUSE OF REPRESENTATIVES

PARLIMEN KEEMPAT

Fourth Parliament

PENGGAL KEDUA

Second Session

KANDUNGANNYA

PENGUMUMAN YANG DI-PERTUA:

Perutusan daripada Dewan Negara [Ruangan 7545]

Ucapan Takziah kepada Balu dan Keluarga Allahyarham Y. B. Tan Sri Syed Jaafar Albar [Ruangan 7547]

USUL:

Laporan Skim Gaji Baru Jawatankuasa Kabinet [Ruangan 7548]

Waktu Mesyuarat dan Urusan yang dibebaskan daripada Peraturan Mesyuarat [Ruangan 7598]

DEWAN RAKYAT

Hari Rabu, 26hb Januari, 1977

Mesyuarat dimulakan pada pukul 2.30 petang

DOA

(Tuan Yang di-Pertua *mempengerusikan Mesyuarat*)

PENGUMUMAN YANG DI- PERTUA

PERUTUSAN DARIPADA DEWAN NEGARA

Tuan Yang di-Pertua: Ahli-ahli Yang Berhormat, saya telah menerima dua perutusan daripada Yang di-Pertua Dewan Negara yang menyatakan persetujuan Dewan itu kepada Rang Undang-undang yang telah diserahkan oleh Dewan Rakyat tempoh hari.

Saya jemput Setiausaha membacakan perutusan itu sekarang.

(Setiausaha membacakan Perutusan)

“Tuan Yang di-Pertua Dewan Rakyat,

Dewan Negara telah mempersetujui Rang Undang-undang yang berikut tanpa pindaan:

1. Rang Undang-undang Perbekalan, 1977.

Tandatangan:

Yang di-Pertua Dewan Negara.”

“Tuan Yang di-Pertua Dewan Rakyat,

Dewan Negara telah mempersetujui Rang Undang-undang yang berikut tanpa pindaan:

1. Rang Undang-undang Petroliaam (Cukai Pendapatan) (Pindaan) (No. 2);
2. Rang Undang-undang Cukai Pendapatan (Pindaan) (No. 2);
3. Rang Undang-undang Cukai Pendapatan Tambahan (Pindaan);
4. Rang Undang-undang Pemberian Pertambahan Hasil;

5. Rang Undang-undang Pemberian Mengikut Bilangan Orang;
6. Rang Undang-undang Syarikat-syarikat Meminjam (Pindaan);
7. Rang Undang-undang Bank Negara Malaysia (Pindaan);
8. Rang Undang-undang Pencen (Sarawak) (Pindaan);
9. Rang Undang-undang Pencen (Sabah) (Pindaan);
10. Rang Undang-undang Kemajuan Petroliaam (Pindaan);
11. Rang Undang-undang Peruntukan di-Raja (Pindaan);
12. Rang Undang-undang Kanun Tanah Negara (Pindaan);
13. Rang Undang-undang Pengambilan Tanah (Pindaan) (No. 2);
14. Rang Undang-undang Kanun Tanah Negara (Hakmilik Pulau Pinang dan Melaka) (Pindaan);
15. Rang Undang-undang Pengambilan Tanah (Pindaan) (No. 3);
16. Rang Undang-undang Lembaga Kemajuan Perusahaan Haiwan Negara (Pindaan);
17. Rang Undang-undang Lembaga Kemajuan Ikan Malaysia (Pindaan);
18. Rang Undang-undang Lembaga Pemasaran Pertanian Persekutuan (Pindaan);
19. Rang Undang-undang Institiut Penyelidikan dan Kemajuan Pertanian Malaysia (Pindaan);
20. Rang Undang-undang Talikom (Pindaan);
21. Rang Undang-undang Perkapalan Saudagar (Pindaan dan Perluasan);
22. Rang Undang-undang Lembaga Pelabuhan (Pindaan);
23. Rang Undang-undang Penjenayah Fujitif (Ekstradisi Khas);

24. Rang Undang-undang Profession Undang-undang (Pindaan);
25. Rang Undang-undang Dadah Berbahaya (Pindaan) (No. 2);
26. Rang Undang-undang Pergigian (Pindaan);
27. Rang Undang-undang Pembantu Hospital (Pendaftaran);
28. Rang Undang-undang Dadah Berbahaya (Pindaan);
29. Rang Undang-undang Orang-orang Papa;
30. Rang Undang-undang Letrik (Pindaan);
31. Rang Undang-undang Panggung dan Tempat Hiburan Awam (Wilayah Persekutuan);
32. Rang Undang-undang Perusahaan Nenas (Pindaan).

Tandatangan:
Yang di-Pertua Dewan Negara”.

**UCAPAN TAKZIAH KEPADA BALU
DAN KELUARGA ALLAHYARHAM
Y.B. TAN SRI SYED JAAFAR ALBAR**

Tuan Yang di-Pertua: Ahli-ahli Yang Berhormat, dengan perasaan dukacita dan sedih saya memaklumkan, iaitu sebagaimana Ahli-ahli Yang Berhormat juga sedia maklum, kita telah kehilangan seorang tokoh politik tanahair dengan kembalinya ke Rahmatullah Yang Berhormat Tan Sri Syed Jaafar bin Hassan Albar (bekas Ahli bagi Panti) pada 14hb Januari, 1977.

Pihak Parlimen telahpun menghantar kawat takziah kepada balu dan keluarga Allahyarham itu.

“Setiap yang hidup pasti merasai mati” dan bagi kita yang lemah ini hanya dapat berdoa kepada Allah subhanahu wa taala semoga dicurcunya berbilang-banyak rahmat ke atas roh Allahyarham itu.

Bagi memperingati Allahyarham itu, saya menjemput Ahli-ahli Yang Berhormat bangun bersama saya bertafakkur selama seminit dan bagi Ahli-ahli yang beragama Islam di harap dapat menghadihkan Fatihah seberapa yang ikhlas kepada roh Allahyarham itu.

(Majlis bertafakkur selama seminit dan yang beragama Islam menghadihkan Fatihah).

USUL

LAPURAN SKIM GAJI BARU JAWATANKUASA KABINET

2.40 ptg.

Perdana Menteri (Datuk Hussein bin Onn):
Tuan Yang di-Pertua, saya mohon izin membentangkan di Dewan yang mulia ini suatu usul yang berbunyi:

Bahawa memandang kepada Laporan Semula Suruhanjaya Gaji Diraja 1975 yang akan melibatkan kos pelaksanaannya melebihi kemampuan Kerajaan, di samping tanggungjawab perbelanjaan yang besar diperlukan untuk pembangunan dan memelihara keselamatan negara;

Dan memandang kepada implikasi terhadap semua golongan berpendapatan rendah yang bekerja sendiri terutamanya golongan tani, nelayan, pengusaha kecil dan kepada golongan yang menganggur;

Dan memandang kepada pembahagian kenaikan gaji dalam perkhidmatan awam yang tidak seimbang seperti yang diperakukan dalam Laporan itu, yang akan menimbulkan implikasi yang meluas terhadap kepentingan negara keseluruhannya;

Dan dengan mengambil ingatan atas kesanggupan Kerajaan untuk memperbaiki tanggagaji pekerja-pekerjanya;

maka dengan ini Dewan ini mengambil ketetapan menyokong pendirian Kerajaan tidak menerima perakuan-perakuan dalam Laporan Semula Suruhanjaya Gaji Diraja 1975, serta menyokong sepenuhnya keputusan Kerajaan untuk melaksanakan skim gaji baru yang berasaskan kepada Laporan Kerajaan sebagaimana yang disediakan oleh Jawatankuasa Kabinet yang telah dibentangkan dalam Dewan ini; dan menyokong sebarang tindakan Kerajaan untuk menentukan supaya tuntutan gaji tidak menjejaskan ketenteraman dan ekonomi negara.

Tuan Yang di-Pertua, sebagaimana Ahli-ahli Yang Berhormat sekalian sedia maklum Jawatankuasa Kabinet yang dilantik bagi mengkaji Laporan Semula (Revised Report) Suruhanjaya Gaji Ibrahim Ali, yang dipengerusikan oleh YAB Timbalan Perdana Menteri, telah selesai menjalankan tugasnya dan telahpun menyediakan Laporan Skim tanggagaji yang baru. Jawatankuasa tersebut telah menemui saya pada hari Jumaat lalu, 21hb Januari, 1977, membincangkan Laporan ini serta mengkaji perkembangan, kesan dan